

# NGUVA YA XIBALO YI PFULA HI TI1 MAWUWANI EKA EFILERS

**PRETORIA, Ravumbirhi ti 25 Khotavuxika 2019** – Ku sale masiku yatsongo leswaku Nguva ya Xibalo yi sungula, Vukorhokeri bya Xibalo bya Afrika-Dzonga (SARS) byi hlohotela vahakelaxibalo lava faneleke ku fayila mitlheriso ya xibalo xa malinghena ku tirhisa SARS eFiling kumbe SARS MobiApp ku fayila mitlheriso ya vona ku sukela hi ti1 Mawuwani 2019.

Vahakelaxibalo lava nga tirhiseki SARS eFiling kumbe SARS MobiApp kambe va lava ku pfuniwa hi vatirhi va le rhavini ra SARS ku fayila mitlheriso ya vona ya xibalo xa malinghena, va ta kota ku endla tano ku sukela hi ti1 Mhawuri 2019. Siku ro pfala eka vahakelaxibalo lava fayilaka erhavini ra SARS i ti 31 Nhlangua 2019, ku nga nkarhi wo koma swinene.

Vahakelaxibalo lava nga ri ki va nkarhinyana lava tirhisaka SARS eFiling na SARS MobiApp va ta va na nkarhi wo leha wo fayila mitlheriso ya vona, laha siku ro pfala ku nga ti 4 N'wendzambahala 2019.

Xivangelo xa endlelo ra swiphemuphemu eka Nguva ya Xibalo 2019 i ku hlohotela vahakelaxibalo ku tirhisa tichanele timbirhi ta xidjiti, ku nga SARS eFiling na SARS MobiApp, leti kumekaka 24/7, ti nyika swinghenisiwa leswi ndlandlamuxiweke no susa xilaveko xo fola layeni erhavini ra SARS.

Eka 2019, SARS MobiApp eka tifoni ta vutlharhi ya kopeka ku suka eka *Play Store* kumbe *App Store*, yi ta pfumelela vahakelaxibalo ku titsarisela SARS eFiling, rhumela ntlheriso, ku ngenisa tidokhumente to seketela, ku kuma *username* kumbe ku lulamisa *password* no langutisa Xitiviso xa Nhlelelo (ITA34), exikarhi ka byin'wana vukorhokeri.

Endlelo ra swiphemuphemu eka Nguva ya Xibalo ya 2019 ri na nkoka hikuva SARS yi ya emahlweni yi kuma vahakelaxibalo vo tlula miliyoni emarhavini ya yona ya lava nga fanelangiki ku fayila mitlheriso ya xibalo.

SARS yi lava ku tsundzuxa vahakelaxibalo leswaku a hi vahakelaxibalo hinkwavo lava faneleke ku fayila mitlheriso ya xibalo xa malinghena. Vahakelaxibalo lava fikelelaka swiyimo HINKWASO leswi landzelaka a va fanelangi ku rhumela mitlheriso:

- Malinghena ya vona hinkwayo ya ntholo ku nga si susiwa xibalo a yi hundzi R500 000.
- Va kuma ntsena malinghena ya ntholo ku suka eka MUTHORI U'NWE eka lembexibalo ro helela.
- A va na xivumbeko xin'wana xa MALINGHENA (xik. nxengetelo wa movha, malinghena ya bindzu, na malinghena ya rhente, ntswalo lowu hakerisiwaka xibalo kumbe malinghena ku suka eka ntirho wun'wana)
- A va na misuso yin'wana yo engetelelela leyi yelanaka na misuso ya xibalo leyi faneleke ku koxiwa (xik. tihakelo ta swa vutshunguri, tihakelo ta rhithayamente anyuwithi na tihakelo ta swa marendzo).

Ku ya emahlweni ku pfuniwa vahakelaxibalo leswaku va nga endli marendzo lawa ya nga fanelangiki yo ya emarhavini ya SARS, vahakelaxibalo lava nga fanelangiki ku fayila mitlheriso na lava fayileke mitlheriso hi ku vuyelela enkarhini lowu hundzeke va ta kuma xitiviso xo suka eka SARS xa leswaku a va fanelangi ku rhumela mitlheriso.

Ku engetelela, va ta kuma mbuyelo lowu encenyetiweke ku suka eka SARS lowu endlaka onge va fayile ntlheriso. Mbuyelo wu ta seketeriwa hi vuxokoxoko lebyi SARS yi byi kumeke eka vathori na swihlovo swin'wana naswona leswi swi ta kombisa leswi muhakelaxibalo a nga swi langutelaka loko onge a fayile ntlheriso.

Masiku yo pfala ya Nguva ya Xibalo

- Eka eFilers na vatirhisi va SARS MobiApp, Nguva ya Xibalo yi pfula hi ti01 Mawuwani no pfala hi ti 04 N'wendzambahala 2019.
- Vahakelaxibalo lava ya ka erhavini ra SARS ku ya fayila va ta pfuniwa ku sukela hi ti01 Mhawuri ku fikela ti 31 Nhlangua 2019.
- Vahakelaxibalo va nkarhinyana va na ku fikela ti 31 Sunguti 2020 ku fayila hi ku tirhisa eFiling.